

---

## ҚЎҚОНДА БЕЛБОҒЛИ КУРАШ БЎЙИЧА ЎЗБЕКИСТОН ПРЕЗИДЕНТИ СОВРИНИ УЧУН ЖАҲОН ЧЕМПИОНАТИ СТАРТ ОЛДИ

Қўқон шаҳрида белбоғли кураш бўйича 2005-2006 йилларда туғилган ўсмирлар ва қизлар ўртасида Ўзбекистон Президенти соврини учун жаҳон чемпионати старт олди.

Бугун шаҳарнинг Ўрда майдонида 20 дан зиёд мамлакатлардан келган спортчилар ва мураббийлар иштирокида тантанали очилиш маросими бўлиб ўтди. Тадбирни вилоят ҳокимининг ўринбосари Хуршиджон Аҳмедов очиб берди.

Мусобақа Фарғона вилояти ҳокимлиги, Спортни ривожлантириш вазирлиги, Жаҳон белбоғли кураш ассоциацияси, Ўзбекистон Миллий олимпия қўмитаси ва Ўзбекистон белбоғли кураш федерацияси ҳамкорлигида ташкил этилмоқда.

Муқимий номидаги маданият ва истироҳат боғида бўлиб ўтадиган мазкур чемпионатда юртимиз вакилларида ташқари Россия, Беларусь, Молдова, Грузия, Озарбайжон, Руминия, Исроил, Ҳиндистон, Мўғулистон, Қозоғистон, Қирғизистон, Тожикистон каби давлатлардан қарийб 300 нафар спортчилар иштирок этмоқда. Ўсмирлар 11 та вазн тоифаларида беллашса, қизлар 7 та вазнда ғолиблик учун баҳсга киришишди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-05-27 10:20:15